



39. ԽԵԼՔՈՎ ԽԱՐՍ ՈՒ ԴՈԼՎԱԹ

Ավուր մեկ մե շատ խարուստ մարդ կեղի, էդ մարդ շատ պատվով կեղի. մըտ քողի, մըտ հայի, մըտ թուրքի պատիվ կեղի էդոր, էդ մարդու տըսերկու տղա կեղի, էդ տղեկներ յարամազ կեղին:

Մարդ կը տեսի օր էդ տղեկներ ուր տուն պտի ավիրեն, իմալ պտի ավիրեն մեկ՝ գողութենով, մեկ՝ բողութենով, մեկ՝ ճան խաղելով, մեկ՝ թուրք խաղելով, մեկ՝ մարդ սպանելով:

Էդմլա մարդ տեսավ որ ուր տուն պտի ավիրի, «Յեռենամ, - ասաց, - օր չտեսիմ իմ տան ավիրութեն»:

Առավ խըտ ուր 200-300 ոսկի, թողեց ուր խարստութեն տղեկներուն. Աստծու հառեջ ահտ ու շառք էնեց. «Քյառսուն ավուր ճամբախ պտի էրթամ օր իմ տղեկներ իմ տուն ավիրեն, ձեն չգյա ընկի իմ հականջ»: Գնաց էդ մարդ, խասավ մե քաղաքի. ուր ծիու կեմ թողեց ծիու դարփուզ, ասաց ծիուն. - Աստըծու հայվան, դու վի՛ դուռ էրթաս, ես էլ էն դուռ պտի իջիմ:

Ձիմ ա, գնաց-գնաց, քընց ինքն էլ խարուստ մարդու մը դուռ կայնավ:

Էդ մարդ էդ տեղ իջավ, դանչեց. - Նանե՛, մանե՛, էս ծիմ քաշա իներս:

Ձիմ քաշեց ներս, խոտ տվեց, էդ կնիկ վերուց. - Ախպե՛ր, դու հորի՞ն դուռ կը կայնես, արե տուն, մտի:

Գնաց տուն, մտավ:

Էդ կնիկ վերուց. - Ախպե՛ր, դու բարի ես էկեր, վըր իմ գլխին, վըր իմ երեսին, էն տեղեն չում էստեղ:

- Աստված քու տղեկներ պախա, քու դուլվաթ շատ էնա, ինչ դու իմ պատիվ պախեցիր, Աստված քու պատիվ պախա, - ասաց:

էդ կնիկ խաց ու զատ բերեց, դնեց հառեջ. էդ մարդ կերավ:

էդ մարդ չանք հիրկուն ձեն չէնեց, սուս նստավ:

էդ կնկան իրիկ, ուր իրեք տղեն խետ, հիրկուն էկան, տանտեր կնկյան ասաց. - էլի խաց բի, ուտենք:

Կնիկ խաց բերեց, էդ տանտեր էդ մարդուն ասաց. - Ախպեր, արի խա՛ց կեր:

Տանտերն էլ մարդուց չխարցուց. «Դու հո՞ւստ էկեր ես, դո՞ր կերթաս, ի՞նչ բանի կերթաս»:

Տանտեր վերուց, ուր աղջըկեն ասաց. - Աղջի՛, հէլի, տեղդանք թալ, պարկինք:

Տեղդանք եգգեց. ամենքը էլան պարկան:

էդ աղջիկ, իրա սովորութեն էր, փարչմ ջուր ուր խոր գլխու մոտ դնեց, մեմեկ փարչ էլ՝ աղբրտոց գլխու մոտ, մեկ էլ էն դարիբ մարդու գլխու մոտ, պարկան, քնան:

Մնաց չանք լուսուն, էդա տանտեր էլավ, գնաց ուր բանին, էդ դարիբ մարդ մնաց:

Մեկ ամիս, երկու ամիս, մեկ տարի, երկու տարի, չանք յոթ տարի էդ մարդ մնաց էդա տուն:

էդա տանտերն էր, էդա մարդուց մեկ բան չխարցուց:

Յոթ տարին օր թմավ, մարդու ճկեար կտրտավ, էլաց:

էդ տան կնիկ վերուց. - Քու դարտ ի՞նչ ա, կուլաս:

Ասաց. - Քուրիկ, իմ դարտ էն ա, էս յոթ տարի ա էկեր իմ քու տուն, քու մարդ չանք մկա չխարցուց. «Դու ինչ մարդ ես, հո՞ւստեն կուզյաս, դո՞ր կերթաս»:

Մնաց չում հիրկուն, էդ տանտեր, ուր տղեկներ էկան, էդ տան կնիկ վերուց ուր մարդուն ասաց. - Մա՛րդ, էս մարդ յոթ տարի ա էկեր ա, սկի չխարցուս. «Մա՛րդ, դու ի՞նչ մարդ ես, հուստե՞ն ես»:

- Կնի՛կ, - ասաց տանտեր, - Աստված ընծիկ մալ շատ ա տվեր. էնոր ուտելու չխլըսիր, ծիուն ուտելով իմ խոտ չիխլըսիր. քանի տարի կուզա թո մնա, ինքն էլ ուտա, ուր ծին էլ:

էն տան աղջիկն էր, էմլե տեղդանք թալեց, էմլե մեկ-մեկ փարչ ջուր լցեց, դրեց էդոնց գլխու մոտ:

Մնաց չում լուսուն, էդ մարդ էլման էլաց-արտսունք թափեց:

էդ տան կնիկ վերուց. - Մա՛րդ, մը վախենա, քու դարտ ի՞նչ ա, կուլաս:

Ասաց. - Քուրի՛կ, քեզնե ի՞նչ պախենմ, Աստօուց՝ ի՞նչ, ես քընց քե խարուստ, իմ տուն քընց քո տուն աղեկ, իմ մալ քընց քուն շատ, իմ տղեք քընց քուն շատ, իմ խետ յոթ խարիր օսկի բերեր ի, ձեր տան անուն ծանտր կիտեն, օր գի, քու աղջիկ ուզի իմ տղին: Մկա էկեր իմ, քու մարդ չխարցու. փարեն էլ խլըսեր ա, տուն էլ քառասուն ավուր ճամբախ զատանց ա, մեկ էլ չկյառնամ էրթամ, գյամ:

- Ախպե՛ր, - ասաց կնիկ, - առ քե քսան խինգ քիսա փարա մեկ, մ'երթա քո տուն, խինք խատ էլ խալաթ:

Մնաց չու՛մ հիրկուն, մարդ ու ուր տղեկներ էկան:

Կնիկ վերուց. - Մա՛րդ, էդ մարդուց խարցուր, հո՞րի էկեր ա. մեկ տես, քու ճուղաթ ի՞նչ կուտա:

Էն մարդ վերուց. - Ես էկեր իմ, քու աղջիկ պտի տաս իմ տղին:

Տան տեր վերուց. - Քսանը խինգ քիսա, խինգ խալաթ կուտաս, իմ աղջիկ կուտամ, տասը փարա պակաս էղի, չառիմ, ավելի էլ էղի չառիմ:

Էդ մարդ վերուց. - Խնամի՛, հէլի, քու աղջկե ձեռ ու ոտ տես, լուսուն ես կերթամ:

- Խնամի՛, - ասաց, - իրեք օր մոհլաթ տաս, պատրաստութեն տեսիմ, առ, գնա:

Իրեք օր որ թմալ, աղջկե խեր քառսուն ջորու բեռ բռնեց ուր աղջկեն քիեզ, էլալ ուր իրեք տղեք ու եռսունը ինը մարդ դրեց խետ. - Դմբով, զուռնով տարեք իմ աղջիկ, իրեք օր ճամբախ դրեք, դարձեք. թը իրենք էրթան:

Իրեք օր որ թմալ, էլալ էդ աղջիկ իրեք աղբոր խալաթ տվեց: Մնացին էդ աղջիկն ու կեսերը, մեկ էլ եռսուն ինը մարդ: Եռսունը յոթը օր ճամբախ գյացին:

Էդ եռսուն յոթ օր էդ մարդ խաղ ասելեն, ձի խաղցնելեն կերթար, չու՛մ էկան, խասան ուրանց խողին:

Որ խասան ուրանց խողին, էս մարդու ճկյար վառալ, սիրտ մրմրաց, լեզուն առվալ:

Էդ խարս մեզեց, ասաց. «Ճանըմ, էսոր ձի խաղցնել դո՞ր, խա՛ղ ասել դո՞ր, մկա լեզուն առվեր ա»:

Մեկ սահաթ, երկու սահաթ էդմալ լալելեն ճամբախ գնաց:

Էդ խարս ուր մտքի մեջ վերուց. «Մեկ ես իմ, մե՛կ վերին դեն Աստված. մեկ իմ կեսեր. իսանին զաթի իրեք փարդա ա, իմ մեկ փարդեն պտի պատռեմ, տեսիմ, էսոր դարտն ի՞նչ ա, օր վառվի, կիրիցի»:

էդա խարս վերուց մեկ փարդեն պատռեց, ասաց. - Ափո՛, քու դարտ ի՞նչ ա, յան կասես, յան կը զանիմ, ընծի կը սպանիմ:

էդ մարդ վերուց. - Որդի՛, իմ դարտ շատ ա, ես իմալ քե ասեմ:

- Թո՛շատ էդի, պտի ասես:

էդ մարդ ասաց. - Իմ տուն քընց քու խոր տուն շա՛տ աղեկ ա, ես քընց քու խեր պատվով, երևելի. որդի՛, ընծի տասվերկու տղա կա, տեսա օր մեկը գողութեն կեներ, մեկը բողբոջութեն կեներ... թորկի տնեն փախա ընդոնց հապով, մկա կը մեզեմ, ընկա քու մեղաց տակ. չեմ գիտեր, քզի տանեմ իմ ո՞ր մեկ տղին տամ, որդի՛, իմ դարտ կո՛ւ էդ ա, - ասաց:

- Ափո, - ասաց, - իսկի դասաֆեթ մ'ենի, իսկի տղա էլ թո չէդի. ես քե տղա, դու ծիկ խեր:

Սահաթմ, էրկու, իրեք, չորս խասավ ուրանց գեղ:

խարս տեսավ խերն էլման կուլա, կը վառի, կիրիցի:

- Ափո՛, հորի՞ն կուլաս, - ասաց:

- Որդի՛, - ասաց, - ի՞մալ չլամ. տունն օր կա Աստուծո սթարն ա, տո՛ւն էլ չկա, թու ավիրեր ա:

- Ափո՛, մի՛ լար, Աստված օղորմած ա, հալպաթ խարապա կա, մեր բան ու ման թալենք մըջ խարապին:

Ուրանց բարխանեն թալեցին ուրանց խարապեն:

Մարդ տեսավ ուր բարեկմներ, ուր չարկամներ ժողվան, էկան է՛դոր կուշտ:

Տեսավ ինչ որ բարեկամ էր, տրտում էր, ինչ որ չարկամ էր, մեկ աղլ կը զրուցեր, մեկ չաղլ կը զրուցեր, մեկ աղեկ կը զրուցեր, մեկ մոն:

էդ խարս մեզեց. իմ հերսին էրկու փարդեն պատռեցի, էն մեկն էլ կը պատռեմ, ասաց. - Ափո՛, էդոնց փարա կա՞ մըր վրեն, փարեն տանք, մալ կա՞, մալ տանք:

էդ խարս էդ խսեն ասաց, ամեկը քաշվան, գյանցին:

էդ խարս, ուր կեսրեր մեքի մացին, խարս վերուց. - Ափո՛, առ էսա չորս օսկին, գնա, մշակ, բահ-բան բեր, ես փորիմ, դու լից, մշակներ կրեն, մեր տներ շիքինք:

Գնաց, առավ էկավ:

Մեկ օր, շաբաթմ, ամիսմ, էրկու ամիս ուրանց տներ շքեցին, պրծան. ուրանց բարխանեն լցին ուրանց տուն:

խարս տվեց էրկու օսկի:

- Ափո՛, - ասաց, - գնա, մեկ օխչար, էրկու լիտր արաղ ա՛ռ, արի՛:

Գնաց, բերեց. խարս էփեց, պատրաստեց, ասաց. - Ափո՛, քու տղեկներ մշակ ին, գնա՛, քու տղեկներու աղեք դանչա, բեր. օր կուգյան, խաց կուտին կը պոծնին, կասեն քե. «Մեզի հորի՞ն կանչեցիր», դուն էլ կասես. «Տղեկներու իգին տաք, գիշերս գյան, մեր տուն մնան, լուսուն գնան ուրանց բանին»:

Էդ մարդ խարսի ասածի պես էնեց, տղեկներ թորկին աղեք, էկան ուրանց խոր կուշտ. հեմալ ամոտ-գամոտ, օճլոտ-պճլոտ, քրճոտ-պնճոտ: Էսոնք էլ կերան, խմեցին:

Խարսն էր, տըսվերկու ձեռք յաթախ ջոկ-ջոկ թալեց, ամեկ յաթաղի գլոխ փարչմ ջուր դրեց: Տղեք էլան քնան:

Տղեկներ որ քնան, խարսն վերուց. - Ափո՛, կես գիշեր օ կեղի, պոռա. «Տղեկներ, ես ծարավ վառվա, մեռա, իրիցա, ջուր բերեք ինձի»: Տես որ մեկ տղեն կը բերա, դու ընձի պսակա վըր էնդոր:

Տսվերկուսի պգտիկ՝ պոռալու բաշտան փարչ վերուց, բերեց, տվեց ուր խոր ձեռ:

Աղջիկ ասաց. - Ափո՛, ընձի պսակա վըր էդոր. մեկեկներու իգին տուր, էրթան ուրանց բանին, մեզի պետք չեն:

Էդ մարդն էր, բերեց դմբով, գուռնով, մաղարով էդ խարս պսակեց ուր տղի վրեն, էդան մե աղեկ տուն:

Էդ խարսն ա, գիշեր, ցերեկ ուր Աստված կը դանչա, ուր աղոթք կենա, ուր մարդու ծոցն էլ չպառկի, չում Սուրբ Աարգսի բքուն:

Աուրբ Աարգսի բքուն էր, կեսրեր էնդեխ էր պարկեր, տղեն էսդեխ, խարսն էլ չոքեր էր, աղոթք կեներ:

Կես գիշեր էր, խալիվորմ էնենց զարկվալ դուռ, հեմալ պոռաց, էրկինք-գետին ձեն տվեց:

Խարս վերուց. - Էն ո՞ն ա զարկվալ մեր դուռ:

- Խա՛րս, - ասաց խալիվոր, - Աստված կը սիրես, դուռ բա՛ց, ընձի առ ներս, բուք ընձի խեղդեց, ծեր մարդ իմ, իմ աչիչ լուս պակաս ա:

Խարս դուռ չբացեց, չառավ ներս, մնաց բքու հառեջ:

- Խա՛րս, - ասաց, - Էն կապուտ չատր կը սիրես, խեղճ իմ, խոքի ա, կազատես:

- Դու ի՞նչ մարդ ես, քու անուն ինչ ա, ընձի ասա՛:

- Ես քու դուվաթն իմ, դուռ բա՛ց, ընձի առ ներս:

Խարս ասաց. - Դուվաթ չեղի, Աստված էլ էղի, դուռ չբանամ:

- Որդի՛, դուռ բաց, ընծի առ ներս. մեկ էլ Հուսենի թոպեն կենեմ, քու տնեն չէլլիմ դուս. քանի քու սըլսըլեն սաղ ա, քու յոթ պորտ կա, նամերտի մուհթաճ չեղիք:

Էլավ խարս դուռ բացեց, էդ մարդ առավ ներս:

Էդ դղվաթն էր, ասաց. - Որդի՛, գնա՛ ճրագ կպու, էրթանք փակխի վերին դեն սաքում կա, քեզի էրկու խապար կա, քե կասեմ, էլ քու աչիչ չերևամ, կը խամբարծիմ:

Խարս գնաց, ճրագ կպուց, առավ էկավ, գնացին փակխի վերին սաքում. հինք ու դղվաթ նստան. դղվաթ վերուց. - էս գոմշու սալ կը տեսի՞ս:

- Խա՛, կը տեսիմ, - ասաց:

Ասաց. - էս սալի տակ էրկու գումգում օսկի կա, խանեք, տարեք. ձի տղեկներ կարգեք. տղեկներ ուրանց մեղաց դարծան. ուրանց գոգեն քար թափին էն մեկ գումգումն էլ ձի պետք կուզյա, հա՛ թը կենա էդ տեղ:

Էդոնք ասաց, պրծավ, դղվաթ էլ չերևաց:

Խարս առավ ճրագ, էկավ ուր տուն, աղոթք էմեց չում բարի լուս բացվավ:

Էդոր մարդ ու կեսրերն քնուց հէլան վեր. ուր մարդն էր՝ գնաց բանելու, կեսրեր մնաց տուն:

Խարսն էր, վերուց, կեսրերին ասաց. - Ափո՛, էսօր գիշեր մեր դղվաթ էկավ տուն, ինծի ասաց. «ճրագ կպու, էրթանք փակխի քունչ, քշում նստինք». գյացինք քշում նստանք, ընծի ասաց. «էս գոմշու սալ կու տեսի՞ս», ասի. «Խա, կու տեսիմ», ասաց. «էս գոմշու սալի տակ էրկու գումգում օսկի կա, մեկ խանա տար, կերեք, տղեկներ կարգեք, ինչու որ տղեկներ քար ուրանց գոգեն թափած են. մեկ հատ թը մնա, օր պետք էկավ, կը խանեք, կուտեք»:

Փետատ, թիակ բերին, էն սալ շրջին. էրկու գումգում օսկի էլավ տկեն: Բերեցին մեկ գումգումը, ուրանց տղեկներ կարգեցին:

Ուրանց տղեկներ ուրենց գործեր թոպա էմեցին, ուրենց քար ուրենց գոգեն թափեցին:

Խարս ուր էրածներով էդ դղվաթ գտավ: